

601.5190
04
第四冊

卷十

人物志二 德望

卷十一

人物志三 義烈

卷十二

人物志四 封者

卷十三

人物志五 列女上

尉氏縣志卷

人物志

德望

明

符廷瑞洪武二十年由孝廉舉任浙江寧波府知府

劉伊洪武二十三年由孝弟力田科任江西建昌府知府

二公舊志不載選舉表內於列傳中別立薦辟一門僅

註仕宦其行誼無可考今統入列傳而仕宦仍本舊志

王紀賦性嚴正廉潔自好居吏垣時章奏彈擊人甚憚之

嘗歸省見縣令以牲匣濯汚衣劾之去職其無所避多

類此 舊志

張志性沉靜博涉經史以歲貢歷官御史才名大著見大

明一統志

舊志

孔矩永樂辛卯鄉舉任江西萍鄉縣丞清勤無筭士民

欽仰

舊志

馬行恕歲貢生雅志林泉不樂仕進早鰥不受割產分妹

以娛兩親

舊志

梅興服官清正兩任巨邑一介不取每慮勾攝爲害乃刻

木爲隸使民自詣公庭候斷周恩家貧母老以不孝坐

之公察其寃給米豚使之生殖供養母子遂安

舊志

趙鑑歲貢生幼聰慧數歲能了毛詩大義充縣學士每試

第一士貫輩從之遊咸敬禮之以爲楷模比授陝之官

川丞寡言笑清嗜慾寡飲不設樂且爲政尙嚴肅有豪
民素結官府橫行爲崇遇之輒斂跡生員劉述妻死被
誣力爲出之後赴人召見輒回轅卒於家孫春志其墓
云剛毅激世之懦貞介挽俗之頹不愧斯語

舊志

孫春字一元居官愷悌廉直知鞏昌府時地鄰番族撫字
有方當道以其政績上聞蒙白金綵幣之賜平生徒步

鄉里絕跡公門人不敢干以私崇祀鄉賢

舊志

增

王鸞性好善捐粟賑飢勅授義官冬夏施茶湯於三亭岡
鄉人因名其岡爲捨茶岡公享遐齡無疾而逝子思敬
克繼父志好施予捨茶終其身不倦孫東岱曾孫鳴球

元孫曰温俱別有傳

採訪王文升

王選字士魁性正直爲司李時華亭徐公奉命歸娶與公爲年誼每有所請輒拂其意卽此可想見其人品壽八十六臨終子孫請遺囑耕讀世業不待囑勤儉家聲不必囑但歿後斷不可請祀我一生作宦淹蹇澤不被民德不及鄉恐祀徒增愧折後人福耳

舊志

王迥字士奇幼穎異不羣十六七始治舉子業下筆成章成諸生遂連第知休寧縣秉直道絕私謁三年兩膺薦剡俱爲權貴所抑後任秦州知州甫期百廢更新御史羅某憎其簡抗欲加以非禮竟以拂逆乞歸上下挽留之不得崇祀鄉賢

舊志

胡九功字文治少聰警博學善爲詞賦居家睦族收卹鰥

寡兩爲司李注意恤刑鹽徒田昆拒捕罪坐死公原情宥之揚俗構陷巨室多汙及婦女公力白當道令勿聽政將成以疾沒士民惜之崇祀鄉賢

舊志

陳言字嘉言歲貢生教授忻州不受諸生餽祭器缺壞捐

俸修補

舊志

牛紳字大章歲貢生天性純篤躬行是勵事繼母江氏以孝聞爲城固訓導獨攜二僕日以課士爲樂城固久乏科目官牆與城相近地湫濕力請上台捐貲改建是科遂有魁鄉榜者因經營時以濕穢致病卒諸生執紼泣送者甚衆

舊志

左國璣字舜齊以父尙鎮平王府廣武郡君幼家祥符七

歲能詩讀書日數千言弱冠從李獻吉學正德十一年
舉於鄉才名藉甚書法顏魯公道勁可觀四方好古之
士皆千里來從游都下公卿爭迎致之得其隻字片辭
視爲寶累試南宮不利當路者欲薦入官辭弗就歸老
蓬池博極羣書肆力著作有賦頌碑誄序記諸體詩各
累萬言人稱之曰中則先生

張儒字爲已歲貢生性慈愛服政以惠有承叔遺風任臨
淄縣丞民力罷敝寬其賦役人以張佛稱之致仕家居

不治產業宴如也

舊志

王德成字文見歲貢生性孤介事親修身一準於禮閉戶
讀書沉潛經史一時較藝鮮有能先之者學憲如秦洪

王蕭最爲嚴厲獨德成以學行并優叠受旌賞及貢志欲高尚或勸以祿仕養親授盧龍訓導甫八十日而沒

人甚惜之

舊志

馬載道字子文三隲廡仕澈底一清真定杭州合頌青天至今傳之權關無私以失餽大農致憾告疾歸及滁而卒祀典日以勤死事公有焉

舊志

蘇琇性質實無僞攻學好修爲丞江都江都風土囂僞琇不爲逆億人亦允孚未幾致仕

舊志

馬錫字伯厚居官嚴厲叅劾不避權貴受知肅皇彈司農

王杲一疏詳載通紀典則二書

舊志

孫宗瑞字子麟事親以孝稱教諭文縣時卽署縣事歲荒

盜起申請賑濟民賴以安

舊志

靳於中字爾時平生清和謹慎歷官累著勞績衡文山左士習丕變備兵遼海捐俸金修邊圍六十餘里墾田二十萬餘頃保釐之德東人至今思之家無私蓄俸祿盡贍族黨作南司空時去考滿僅三月以太夫人在堂請告歸養詳見本傳載藝文志

舊志

增

王東岱字嵩中號芝童學宗程朱以正學爲己任深究心

性之旨事親孝人以比曾閔萬歷庚子登賢書授歸德

府寧陵縣教諭捐俸以延名儒興學以廣教化門下士

一榜曾登五人陞漢中府司李辨張指揮之誣冤爭西

鄉令之廉潔人有因事夜投以金者力却之佐理臨洮

時丁母憂寢苦枕塊哀毀鵠立遠近感焉起復補青州
府海防同知署舊傳多怪異公至闔然事具青箱錄清
鹽課稽驛馬愛民肅役苞苴不行賑飢抑強情法兼盡
葺墩隍巖保甲俱載山左實政錄旋里後足不涉城府
日與朋從深究濂洛關閩之學康熙十九年崇祀鄉賢
二十四年崇祀名宦惜著述經兵燹散佚僅存所書李
長吉詩一頁入尉帖石存 文廟 採訪王文升

王心密字夙夜號重淵性恬淡樂邃養學問淹博矢志高
尚萬歷癸未舉於鄉崇禎十二年二月徵聘赴京不就
六月徵書再下復不就十二月徵書三至又迫於禮闈
在卽不敢違制遂北上會試畢上命吏部議職以年邁

力辭不拜吏部復奏上批堯舜之世尙有巢由士各有志聽其自遂乃作歸隱賦以見志詳見藝文志 舊志

王無忌字伯敬歲貢生任息縣訓導陞上津縣教諭詳見

藝文繼川王先生傳

舊志

侯之屏清謹撝謙事親甚孝 舊志

增劉可愛字遜齋生有異質剛介孝友嘉靖壬戌奉例入監

萬歷戊寅授萊州府照磨攝昌邑篆以廉能見重於趙

大中丞語人曰劉君年貌豐偉才猷練達巡按王公亦

以推勘不煩稱之爲政剔奸禁暴緩征輕徭以及鹽稅

盡革火耗頌聲載道以親老告歸曲盡孝養人盡稱焉

卅遇義舉輒捐貲倡首尤爲時所欽云 節錄邑人吳應召所撰墓誌

孫純父浩以貢生任南鄭縣知縣改山東費縣知縣早歿
母白氏年老病滯百藥不效純夜禱求代憶母爲女時
常割股以愈外祖母張卽割右股煎湯以進母病旋愈

荆建三清觀

舊志

趙惠父福海早卒母張氏績紡撫育旣長左右奉養曲盡
孝敬母歿廬墓三年所倚木生枝

節舊志

腰加誥母東惠王女封縣君早卒繼母王氏誥孝養一如
生母母背生瘡身侍湯藥口吮瘡毒母痊膺縣獎

舊志

靳於純廩膳生平嗜義老妓劉一買一幼女約六七歲

衿裙華縠見棹上巾曰我父帽亦如是至戶外曰我家
門前朱旗大字問其父之姓名則不知純聞之呼劉一

問之不肯言所由來純疑係新貴家女恐其失身因白
執政拘訊之仍如前出價贖之於縣考時爲之擇才俊
儒童卽姓某具粧奩嫁之終以不知其父母不能還其
家爲恨

趙千里性友愛以才俊考授主簿先是父歿遺妾旣嫁生
子頻欲往認祖母力止之曰汝父娶此女未及一月卽
亡焉得有子旣而漸長千里密往認之還報祖母曰聲
音言貌宛似我父此何疑焉遂贖歸中分貲產鄉里義
之

舊志

陳文濟學問該博長於古文詞兩任學職樂育寒士

舊志

國朝

順治

白寶珩字楚珍先世由晉遷尉數傳至四川酆都尉東爲
大父父嘉慶以太學生 國初考授兵馬司吏目珩其
仲子也嗣伯父嘉禾穎悟有氣槩爲名諸生流寇肆虐
避地東浙

國朝定鼎考流寓諸生拔前茅准貢授閩省長汀令當戎馬惚
控時米珠薪桂請開倉以賑旋有竹實之感且用法嚴
明悍卒張德功奪民阮濟宇媳守禦兵楊有材掠民婦
分別懲創立革故明餘氛故所在泰然戊子初開科捐
廉百金以資場費士多聯捷者民立祠祀之擢蘇州同

知移寧國同知復擢江西建昌府守循聲四播時有龔黃之目緣忤上官意解組歸黃童白叟痛哭扳留家居耕讀課子姪暇卽與二三知友相羊於白雲淥水間逢田父野老藉草話桑麻人皆忘爲舊太守也卒年八十有二

姜玉書採訪

劉濟遠字欽明學問淹通爲文脫稿人競傳寫明末闖寇至尉兄廩生澤遠與生員劉文明守北門告濟遠曰吾將與城爲存亡爲宗祀計弟其行乎濟遠痛哭而逃澤遠文明俱以城破殉濟遠准順治二年貢授六安州通判

楊式堃採訪

王鳴球字伊璜順治丁酉副車庚子解元甲辰進士除

內閣中書

傅順藝
又志

王文升採訪

張復昌歲貢生遺腹生依母常養於外家時流寇蹂躪中
州昌甫九歲母自分從姑死命昌隨舅氏避地江南至
鄆陵南夢母遇害天未明號泣返幸其幻也慟母瘡瘁
下帷攻苦十四入鄆陵邑庠奉母返故居先是瘞父於
室中至是始啟之葬以禮事母至孝母歿竟以哀痛病
卒

張敬直張汝伊採訪

張士吉字存一壽官茂長子也歲貢生幼失恃事繼母徐
克盡孝道徐生子士名吉友愛甚篤以祖宅膏腴田悉
讓之邑侯暢一鵬聞其行而嘉之匾其門曰孝友壬午
流寇至尉出城避難時邑西蔡營與賊通眾欲借庇可

無患吉義不入攜眷入密邑大驪山並收養難婦楚氏使與母徐相依撫如骨肉逾數月楚夫張振采至使團聚焉著壬午避難前後二紀後寇有安官牌至尉吉乃避居河朔閒著雉社集以見志迄

國朝定鼎歸來建宗祠聯族姓立義學教一方子弟邑侯衛紹芳旌之曰孝先啟後引其事出示風勵一邑雍正六年

以公舉入祀忠義祠

姜玉書採訪

馬義則字開元歲貢生任寧陵訓導善草書學品爲一邑之望修前志纂於兵戈惚倥之際亦足見其所抱之裕

王允寬採訪

靳標策字豫州明大同空於中孫以選貢中崇禎癸酉副